


ԲԱՆԱՀԻՒՍՈՒԹԻՒՆ ԱՌ ՎԵՀԱԳՈՅՆ ՀԱՅՐԱՊԵՏՆ
 ՀԱՅՈՑ ՏԷՐ ՅԱԿՈԲ, Ի ՆՈՒԱՍՏԷ ՈՒՄԵՄՆԷ ԲԱՆԻ
 ՍՊԱՍԱԻՈՐԷ ՈՍԿԱՆ ՎԱՐԴԱՊԵՏԷ ՅԱՂԱԳՍ
 ՏՊԱԳՐՈՒԹԵԱՆ ՏԱՌԻՑ ԱՍՏՈՒԱԾԱՅՆՈՑ



Եծահրամանի իշխողիդ՝ և Վեհափառի հրամանաւ յանձին կալցուք զգործառնութիւն, որ ոչ է մեզ ճահ և ըմբոն, այլ յաւէտ այնոցիկ որք վսեմախոհք և հոգիւնկալք են. մանաւանդ կիրթ ուսմամբ, և ներհմտացեալք ամենեքումբք մասամբք: Քանզի բազդատութիւն լեզուաց այլատարազից ընդ իրեարս համեմատել կարի դժուարին է և տաժանելի իրակութիւն. մանաւանդ տուչութիւն Հոգւոյն սրբոյ՝ ըստ բանի սրբոյ առաքելոյն Պօղոսի. որ առ Կորնթացիս: Եւ ևս յաւէտ ըստ ինձ առն. որ յերկոցունցն եմ թափուր: Բայց յուսացեալ ի Հոգին սուրբ յորդորմամբ նունոյ սրբոյ Առաքելոյ. և ի սրբանուէր աղօթս քո՝ արկանեմ գանձն իմ ի խորս այսորիկ ձեռնարկութեան. առ ի բազդատել և ընդ իրեարս համեմատել զբարբառս Հայոց ընդ

Դաղմատացոց ստիքսելով և գլխատելով. և ըստ նոցայն համարոյ շարակարգելով սակս համաբարբառոյն, որ առ նոսա գոյ յօրինեալ՝ այսինքն հանրոյ Աստուածայնոյ մատենին. հնոյ և նորոյ. որպէս առ մեզ միայն Աւետարանին սրբոյ տեսանեմք յարմարեալ. և ոչ ամենեցուն գրոց: Իսկ Աւետարանին այսու ևս պակասի, զի նոյն գլուխն. թէ Մատթէոսին. և թէ այլոցն. ինքն առ ինքն ոչ ունի համաձայնութիւն. այլ առ այլս միայն: Բայց Դաղմատացոցն ուրանօր նոյն գիրքն ինքն առ ինքն ունի զհամաձայնութիւն եղեալ է այսու գրով. վեր և վայր՝ առ որս և զհամարաթիւսն եղեալ կրկնակիւք: Նաև ցանգքն ըստ այսմ են յարմարեալք: Վասն որոյ և մեք ով Հայր պատուական ըստ բարձրագունից հրամանաց քոց արարաք, գլխատելով և տնատելով, զհամարաթիւսն ևս առնթեր նմին դնելով բազմաւ աշխատութեամբ. քանզի

դի պատահեցաւ ուրեք առաւելութիւն ի մերս պակասութիւն ի նոսա. նոյնպէս անդրադարձութեամբ առաւելութիւն ի նոսա և պակասութիւն ի մերս: Առ այսպիսիս լոեցաք և ոչ իշխեցաք առաւելու կամ պակասեցուցանել, թէպէտ ոչինչ գոյր վնաս: Քանզի ուրանօր զթիւան եմք ի բաց թողեալ՝ միով կամ երկոքումք և կամ այլ աւելեօք թուօք, անդանօր մեր է պակաս գտեալ: Իսկ ուրանօր բազմօք տողիւք կամ ելիւ, մանաւանդ մատենիւ իսկ, այն առ նոսա ոչ է գտեալ: Նաև մատեանք, որք կարի յաւէտ են եղեալք տարածայնք, և կամ խառնեալք, և կամ առաւելեալք և նուպեալք. այնպիսեացն զգլխահամարսն միայն եղեալ և զմանր համարսն ի բաց եմ թողեալ որպէս Բարութայն՝ Յեսուայն՝ որ է Սիրաքայն և այլոց: Իսկ ուրանօր մատեանն ամենեին ոչ է եղեալ առ նոսա՝ զմերն միայն գրելով թողեալ եմ:

Նաև զմերականս համար ընդ նոցայն համարոյ շարակարգել անհնարին եղև: Քանզի Դաղմատացոցն երիւք համարիւք ամրափակեալ կայ՝ զորս խախտել ամենեկին անհնարին է. մանաւանդ զի համաձայնութիւն հանրոյ Աստուածաշնչոյն նոցա համարաթուովն է և ոչ մերովս. զմերն և զնոցայն համայն կարգել անհնարին եղև, զի ի լուսանցսն տեղի ոչ մնաց. իսկ զմերն միայն գրելով համաձայնութիւն ոչ լինիր, քանզի համաձայնութիւն նոցա համարովն է և նոցա ցանգովն, որպէս և տեսանէ սրբանձնութիւն ձեր: Այլ և

զիտոր համարն ոչ կարացաք հայկականօք տառիւք շարագծել, քանզի ընդ համարողականին եօթն գիրս ևս գոն դրոշմեալք. զի եթէ զհամարսն գրովք մերովք եղեալ զգիրսն զայնոսիկ ի բաց թողուաք անհնարին էր. քանզի ուրանօր զհամաձայնութիւնսն արարեալ են, ընդ համարաթուոյն և զտառսն զայնոսիկ են եղեալ՝ որպէս ահա յայտ է: Վասն որոյ ոչ կարացաք բառնալ. զի մի ի համաձայնութիւնսն այլապէս գրեսցին և ներ տեղոշ իրեանց այլապէս, որովք խարբալումն լինի յուղողին: Սակս որոյ զամենայն ըստ նոցայն շարակարգեցաք: Բայց սակս անընդելութեան ձեռոյ համարողականին. աստ նախակարգեցաք մերով համարագրով. զմերսն հուպ նոցին եղեալ, զի նայամ վայրում սոքօք վարժեսցին, և ներ տեղոշ իւրում անտարակոյս ընթասցին, որոց ընթերցմամբ և տեղեկութեամբ լուսաւորեսցին, և դիրաւ զգորութիւնս գրոց Աստուածայնոց ի միտ առցնն շնորհօք և ի թիկունս հասութեամբ ամենասրբոյ Ծրոճողութեան: Վասն որոյ հայցեմ ժտելով ի քումմէ պատուականութենէ և յամենեցունց պատահողաց. եթէ ախորժին կամք ձեր Տեսուն շնորհ և մեծութիւն, զմեզ արժանի առնել ի յիշումն բարոյ՝ և յաղօթս. ապա թէ ոչ զմեզ անբամբասանս և անքամահելիս թողու վասն Քրիստոսի. որ է օրհնեալ ընդ ձօր և ընդ սրբոյ Հոգւոյն. այժմ և անզրաւալ յաւիտենիւ. Ամէն:

